

Erlantz Díez, motor txikien txapeldun handia

Bi urte zituenean, minimotoa oparitu zion amamak. Tonbolan irabazitako Polini horrek Erlantzen etorkizuna bideratu zuen, orduetik gaur egunera arte, ezin izan dituelako motorrak burutik kendu. Hamalau urte ditu eta, hainbat lasterketetan parte hartu eta gero, DMT taldeak fitxatu du. Datorren urtean Moto3ko mundialean parte hartzeko aukera du.

“Motorrean lehiatu nahi dut. Baina ezin bada, mekanika ikasiko dut”. Gaztetxo den arren, Erlantz Díezek bere hautua egin du, eta 2016a urte erabakigarria izango da berarentzat. Hamar lasterketa ditu aurretik, apirilaren 9an lehena, Albaceteko Zirkuituan, eta urriaren 22an azkena, Nafarroako zirkuituan.

Lasterketen mundua ez da ezezaguna berarentzat. “Entrenatzen hasi eta zazpi urterekin PreGP 70cc erosi zitaten. Orduan hasi nintzen lehiatzen, Gaztela eta Leonen, gero Nafarroako txapelketan... Emaizta onak lortu izan ditudanez, lagun batek,

Aritz Jiménezek, DMT talderako fitxatu nau”. Bi urterako kontratua egin diote aurten, eta Espainiako Abiadura Txapelketan parte hartuko du, Premoto3 batekin. Emaizten arabera, datorren urtean mundialera salto egiteko aukera izango du, Moto3 edo Moto2 batekin. Hala ere, Erlantzek ikasteko eta ondo pasatzeko asmoa du aurten, eta datorren urtean irabazteko helburua. Luzera begira, MotoGPra heltzea da bere nahia, jakina.

Emaizta onak lortzeko sekretuak ezagutzen ditu: “Jakin behar duzu jausiz gero zerbait larria pasatu ahal zaizula, eta asko en-



trenatu. Gimnasioan eta bizikleta gainean trebatu behar da, horri esker indarra hartzen delako besoetan, eta hori ezinbestekoa da, motorrak pisu handia duela, kurbetan batez ere -dio pilotuak-. Izan ere, nire indargunea kurbak dira, motorra oso ondo etzaten dudalako eta berandu frenatu. Irteeretan ere ondo nabil,

arinenetakoa naiz. Baina akatsak ere baditut, nerbioak, esaterako. Oso urduri egoten naiz, eta askotan botaka egiten dut lasterketa hasi baino lehen”.

Eta ez da urduri dagoen bakarra. Erlantzen ama, Maite Astigarraga, pozik dago, baina beldur da. “Aurten ez da minimoto batean joango, 200km/h-tik gorako abiadura hartuko du, zirkuituak oso handiak dira...”. Aldaketa handia izango da, bai, orain arte 150km/h hartzen zituelako bere Honda 85ccrekin eta orain 600cc motorra duelako, 115CVrekin eta 300km/h hartu ditzakeena. “Niri asko gustatzen zait”, erantzuten dio Erlantzek.

Lasterketek gain, zirkuituko giroa atsegin du er-

PALMARESA



Toni/Fotocircuito

- 7.a Euskal Herriko Minimotoen Txapelketan (2007).
- 5.a Euskal Herriko Minimotoen Txapelketan (2008).
- 3.a Euskal Herriko Minimotoen Txapelketan (2009).
- 3.a Iparraldeko Minimotoen Txapelketa (2010).
- 3.a Iparraldeko Mini GP 70cc Txapelketan (2011).
- Txapeldunordea Nafarroako Mini GP 70cc txapelketa (2012).
- Txapeldunordea Gaztela eta Leongo Mini GP 70cc (2012).
- Txapeldunordea Monster Pro Kopa 140cc Series (2013).
- Txapeldunordea Monster Pro Kopa 160cc Series (2014).
- Txapeldunordea Errioxako Txapelketan 160cc (2014).
- 3.a Gaztela eta Leongo Supermotard 85cc Promesa Gazteak. (2014).



DESCUBRE-TE

Teak, kafeak, txokolateak, ezti... eta baxera bereziak!!

Probaleku 4 Bis · Ermua, Bizkaia
943 03 15 81 · descubrenew@hotmail.es
www.teteriadescubre-te.com



Probaleku 4 · Ermua · 943 946 810

muarrak, pilotu gazteek zein euren familiek egunak eta gauak konpartitzen dituztelako: “Goizetan, lasterketa baino lehen, bizikleta edo patinak hartu eta zirkuituari buelta ematen diogu, ezagutzen joateko. Gauetan, berriz, elkarrekin jolasten dugu, azkenaldian Play Stationarekin. Lehen partxisean eta ezkutaketan jolasten genuen, eta oso ondo pasatzen nuen, baina orain helduagoak gara!”. Lo egiteko orduan, berriz, batzuk karabanetan egiten dute, kanpin-dendan edo hotelean. Díeztarak, ondo atondutako furgonetan.

Babesle bila

Erlantzek ezin du ukatu kirol garestia dela, eta aurtentia 30.000 euro gastatuko ditu bere familiak, motorra erostez gain, bidaiak eta lasterketak ordaindu behar dituztelako, besteak beste. Eta taldearen papera zein da? Mundialean lehia-

tzeko ateak zabaltzea, batez ere. Horrez gain, arropa eman, managerra ipini eta aldagaiak prezio onean lortzen dizkiete. Hori dela eta, gastu guztiei aurre egin ahal izateko, babesle bila dabilta egun hauetan ama-semea. “Hainbat enpresa eta instituzioren atak jo ditugu dagoeneko. Zaila da, eta batzuek ezetz esan digute jada, beste batzuen zain gaude orain. Babesleak lortu ezean, 10 lasterketetan parte hartu beharrean, 5-edo egingo genituzke, eta horrela emaitza onak lortzea konplikatu egiten da”, dio Maitek penaz.

Hobbya baino gehiago bihurtu da familia osoarentzako motorra, eta gurasoez gain, Oihane arreba izango du pilotuak ondoan denboraldiak iraun bitartean. Bera izango da Erlantzen mekanika, elektromekanika ikasi baitu, mekaniko gisa egiten duelako lan Zarautzen eta datorren urtean

telemetria ikasiko duelako Bartzelonan.

Baina datorren urtea urrun dago oraindik, eta hamaika kontu bizi beharko ditu Erlantzek bitartean: babesleak lortu, lasterketetan parte hartu eta emaitza onak lortu. Eta ondo aritzen bada, bere idoloengana hurbiltzeko pausutxo emango du. “Valentino Rossi mires ten dut, eta Marc Márquez ere, piloturik gazteena izan delako”. Eta bien arteko gatazkan, zeinek daukan arrazoia? Rossik. “Márquezek gaizki jokatu zuen, baina lasterketetan askotan gertatzen dira horrelakoak. Nik hutsunea ikusten badut, sartzen naiz, baina ez dut sekula inor bota. Ni, ordea, bota izan naute, eta inpotentzia handia sentitzen da, galtzeaz gain, isildu behar zarela. Bestela ospe txarra ematen diozu taldeari”, onartzen du.

Apirilaren 9tik aurrera, eman beharrekoak emango



ditu denboraldiak. Lasterketak Teledeporten eta Movistar Kanalean ikusi ahal izango dira, eta emaitzak DMTko webgunean eta Facebooken.

Dorleta Vidal

English fun

Udalekuak



DENA INGELESEZ

- Learn english while playing
- Great place to stay
- Enjoyable every second
- Loads of new friends
- Indoor & outdoor activities
- Unforgettable experiences

“20 urte baino gehiagoko esperientzia ingeles-klasetan”

ZER egingo dugu?

- Egun osoko 2 txango (klimatologiaren arabera: Le petit Train d'Artouste, Villanua de Jaca, Ordesa, Panticosa)
- Ekintzak: Kanoak, gymkana, mendi ibilaldiak, kirol olinpiadak, eskulan eta sukaldaritza tailerrak, proiektuak, kanpaldia
- Astronomia tailerrarekin, gau-jaiak diskotekan, arborismoa, izotz irristaketa.

Gainera, ERABATEKO INSTALAZIOAK:

- Joan-etorriko garraioa.
- 3 izarretako hotelean egonaldia logela bikoitza edo hirukoitzean.
- Igerilekua.
- Tennis-pista.
- Futbol-zelaia.



NON inguru naturalean,
FORMIGALEN

NOIZ

uztaila
01

uztaila
14



Akerlei
hizkuntzak

BIZKAIA ETORBIDEA, 5 Behea - ERMUA

943 17 66 32

www.akerlei.com